

**“INFLUENZA
NO TA DJIS UN
SIMPLE GRIEP”**



WWW.SOLODIPUEBLO.COM



SOLODIPUEBLO@GMAIL.COM

**CORTE SUPERIOR
A BAHIA CASTIGO
DI HOMBER
CULPABEL DI
INTENTO DI
ASESINATO BANDA
DI MISA DI NOORD**

**FRACCION DI MEP ENTREGA
DOS CARTA IMPORTANTE NA
GOBERNADOR DI ARUBA**



Partido MEP ta felicita Fraccion di MEP den Parlamento

**PROFESIONAL Y CU
AMOR PA ARUBA**



“INFLUENZA NO TA DJIS UN SIMPLE GRIEP” PROTEHA BO MES E TEMPORADA AKI

ORANJESTAD, Aruba – 11 november 2025: Seccion di Malesanan Infeccioso di Departamento di Salud Publico a lansa su campaña annual di vacunacion contra Influenza cu e slogan: “Influenza no ta djis un simple griep” recordando tur persona cu Influenza no ta un griep ordinario pero cu e por conduci na hospitalisacion debi na complicacionnan grave y asta morto especialmente bou e grupo vulnerable.

Pakico esaki ta importante?

Tur aña influenza ta causa miles di complicacion y morto cu ta prevenibel cu un vacuna. Hopi hende no ta conciente of ta ‘underestimate’ e gravedad pensando cu Influenza ta produci sintoma di griep manera otro virus. Esaki no ta e caso pa tur hende, un Infeccion cu Influenza cerca un persona den e grupo di riesgo por ta hopi mas grave cu cerca un persona cu no den e grupo di riesgo. Esaki ta e motibo pakico e campana aki ta focus riba e importancia di vacuna na tempo pa proteha bo mes si bo ta cay bou di e grupo di riesgo.

Kende mester wordo vacuna?

E vacuna di Influenza ta recomenda pa tur persona cuminsando for di 6 luna di edad. Especialmente



importante pa e siguiente grupo di persona:

- Adulto mayor di (60+)
- Persona cu malesa cronico of condicion di salud manera (asma, diabetes, problema di curason, presion halto, sistema inmunologico debil etc)
- Dunadornan di cuidu y trahadornan di prome linea
- Muchanan bou 5 aña

Unda vacuna ta disponible? Vacuna ta disponibel na seccion di Malesanan

Infeccioso di dialuna pa diabierna for di 1.30-4.00 pm pa medio di sistema di ‘WALK IN’ y tambe den diferencia bario entre otro:

- Diahuebs 13 november, 8-11 am, na Stadion Frans Figaroa
- Diabierna 21 november, 8-11 am, na Centro Playa Pabou
- Diahuebs 27 november, 8-11 am, na Sporthall Santa Cruz

Pa ricibi e vacuna ciudadanonan di 60+ mester presenta unicamente cu nan AZV, ciudadanonan cu no tin

60 aña ainda pero ta sufri di un malesa cronico of ta cay bou di e grupo di riesgo mester trece un receipt di dokter y nan AZV.

Personanan cu no ta den e grupo di riesgo pero ta desea pa haya e vacuna, por cumpra esaki na un balor di Awg. 20,00. Por pasa na oficina di seccion Malesanan Infeccioso na Avicena straat#1 entre 1.30 – 3.30 pm entrante dia 24 november 2025. Pa cumpra vacuna por unicamente paga via swipe of transfer, no por paga cash.

Dunadornan di cuidu y trahadornan di prome linea tambe por busca nan vacuna na nos seccion entrante di 24 november for di 1.30 pa 4.00 pm cu nan AZV.

Pa mas informacion like nos Facebook page Directie Volksgezondheid DVG Aruba, Follow nos riba Instagram directie_volksgezondheid_aruba, subi nos website www.dvg.aw, yama nos na 5224200 of mail nos na dbz@dvg.aw



CORTE SUPERIOR A BAHÁ CASTIGO DI HOMBER CULPABEL DI INTENTO DI ASESINATO BANDA DI MISA DI NOORD

ORANJESTAD – E acusado homber E.Q.O. a presenta den Corte pa scucha su sentencia di Hof di Corte Superior. El a wordo haya culpabel di intento di asesinato di tres hende.

SOLO DI PUEBLO por a compronde cu E.Q.O. a apela su sentencia di 9 aña di prison, caminda el a wordo haya culpabel di intento di asesinato di tres hende y posesion di arma di candela. Apesar cu psiquiatra y psicologo ta haya cu E.Q.O. ta menos responsabel pa su actonan, Hof ta haya cu E.Q.O. ta completo responsabel y ta culpabel di intento di asesinato di 3 hende y posesion di arma di candela.

TIRAMENTO BANDA MISA DI NOORD

Dia 22 October 2025, tratamiento di e caso a tuma lugar caminda Procurador General (PG) a bisa Hof cu 5 Februari 2023 den oranan trempan di mainta, Polis a bay banda di misa Santa Ana na Noord, pa un accidente. Dos auto, un Mazda y un MG lo a dal. Polis a constata cu e auto MG tabatin masha hopi impacto di bala. Polis a bay hospital y a detene hendenan. PG a bisa cu investigacion a muestra cu tabatin tiramento di un auto riba e otro y a detene e trio di cual E.Q.O. ta forma parti. Hues a condena E.Q.O. na 9 aña di prison y tambe e otro dos. Den e Mazda dos tabatin arma

di candela cu a tira riba e MG. Polis a constata 8 impacto di bala riba MG y 2 den windshield. A haya 11 huls di bala riba caminda. Investigacion ta muestra cu e Mazda a sera e MG den cual e homber S.M. tabata sinta. Despues a tira for di e Mazda riba e MG. E autonan a dal contra muraya banda di Imelda Hof y E.Q.O. a keda seriamente herida caminda el a keda varios dia den coma.

PG a bisa Hof cu e ta haya cu e apelacion no ta funda y pa mantene e sentencia di Corte Den Promer Instancia, esta 9 aña di prison.

Durante tratamiento di e caso den Corte Superior, Hof a muestra cu na Polis un di esnan den e Mazda a conta cu E.Q.O. tin problema cu e homber S.M., kende a tira mata Lalo Webb cu ta primo di

E.Q.O. Tambe e acusado a bisa Polis cu e origen di e problema ta E.Q.O. y S.M. Hof a muestra cu 9 Maart 2015, Lalo kende tabata miembro di e gang di Madiki, a wordo tira mata den cabez.

HOF NO TA KERE TESTIGONAN

Un Hues di Corte di Husticia, a lesa e sentencia di Hof pa E.Q.O.

Hof a muestra cu e otro acusadonan a wordo scucha como testigo dilanti Hues Comisario. Nan tur a bisa cu no tabatin un plan di intento di asesinato. Hof a bisa cu e no ta kere e declaracionnan aki. Hof ta bay tras e declaracion di e acusadonan net despues di e incidente. Na Polis nan a papia di un plan. Hof ta haya cu E.Q.O. ta culpabel di e intento di asesinato di 3 persona.

A BAHÁ CASTIGO

Hof, pa cu e castigo a

muestra cu E.Q.O. hunto cu otro nan, a core banda di un auto cu tabatin 3 hende aden y a tira ariba e auto. Hof ta tuma na malo cu a tira riba e auto camindia tin mas hende cu esun cu nan kier a mata.

Hof ta haya cu mester manda un señal bon cla cu no ta tolera e tipo di comportacion aki. Tambe Hof a muestra cu a usa armanan di candela.

Na opinion di Hof, apesar di aviso di e raport di psiquiatra y psicologo, cu E.Q.O. ta menos responsabel pa su actonan, Hof ta haya E.Q.O. completo responsabel pa loke a sosode.

Hof a tene cuenta cu E.Q.O. a keda afecta na cabez door di e accidente.

Hof a condena E.Q.O. na 8 aña di prison, kitando e tempo cu e ta sera den KIA.

**Paga bo cuenta
online ta facil**

Sea
Abonnement
of Aviso

Pago online,
facil y lihe

Pa hasi pago online pone number y adres na
cuenta di banco RBC Sunmax Printing
account # 7700000100152447

Clasificados

SOLODIPUEBLO@GMAIL.COM
CEL. 585 9500

SOLO Di Pueblo

“SA MAS Y HACI MAS PA COMBATI DIABETES DEN NOS COMUNIDAD”

ORANJESTAD — Aruba One Happy Island Lions Club ta recorda comunidad cu e Charla di Diabetes lo tuma luga mayanan diamars, 11 di november 2025, 7:00 PM na MFA Santa Cruz.



E charla ta gratis y ta habri pa tur publico. Bou di e lema “Sa mas y haci mas pa combati diabetes den nos comunidad”, expertonan di POH lo comparti informacion importante riba prevencion, sintomanan tempran, nutricion saludabel, movecion fisico, y control regular di sucu den sanger. Durante e evento lo tin oportunidad pa check di sucu y presion, y tambe massage di man pa e participantenan. E porta ta habri for di 6:30 PM.

Aruba One Happy Island Lions Club ta sigui traha den e marco di e causa global di Lions Clubs International, pa promove salud, bienestar y servicio den nos comunidad.

Entrada ta gratis. Pa registracion, por manda un WhatsApp na +297 568-0829.

(registracion no ta obligatorio, pero pa nos tin un idea y pa e preparacion logistico).

Hunto nos ta combati diabetes. Hunto nos ta sirbi.




INVITACION GENERAL

CHARLA DIABETES

11 NOV | 7:00 PM | MFA Sta.Cruz

Entrada: Gratis

Registracion: Whatsapp: 568-0829

PORTA TA HABRI 6:30 PM

“Sa mas y haci mas pa combati diabetes den nos comunidad”

SUPPORT OUR GLOBAL CAUSES



Vision



Youth



Disaster Relief



Humanitarian Efforts



Diabetes



Childhood Cancer



Hunger



Environment



Mental Health

Clasificados



SOLODIPUEBLO@GMAIL.COM
CEL. 585 9500

FRACCION DI MEP ENTREGA DOS CARTA IMPORTANTE NA GOBERNADOR DI ARUBA

E fraccion di Movimiento Electoral di Pueblo (MEP) a entrega dos carta importante na Gobernador di Aruba, pa pone na altura dos asunto di gran peso pa e democracia y autonomia di nos pais.

E prome carta ta referi na e situacion cu e gobierno (AVP-Futuro) a tuma e desicion pa no nombra un Minister Plenipotenciario (Gevolmachtigde Minister) di Aruba na Hulanda. Den e carta, Fraccion di MEP ta enfatisa cu e Minister Plenipotenciario tin un rol vital den e relacionnan di Reino y den representacion di Aruba na Hulanda. Den mesun carta, MEP ta subraya e hecho cu tin mas o menos 700 preguntanan di Fraccion di MEP a keda sin contestacion di parti di Gobierno. Fraccion di MEP

ta urgi Gobernador, den su rol, pa tuma pasonan necesario pa sigura cu Parlamento di Aruba por ricibi e informacion y transparencia den un tempo rasonabel, pa asina por reestablece e control Parlamentario.

Den e di dos carta, Fraccion di MEP ta vocifera su preocupacion riba e proceso di e proposicion pa e Rijkswet HOFA (Houdbare Overheidsfinanciën Aruba). Segun e Fraccion, Minister di Relacionnan di Reino, sra. Gerlien Croes, a firma y a bay di acuerdo riba e contenido di e rijkswet HOFA cu e Consejo di Minister di Reino (Rijksministerraad) riba 13 di augustus ultimo, sin un decision di Consejo di Minister di Aruba, y sin



consenso di Parlamento di Aruba.

Fraccion di MEP ta considera esaki un falta di respet na e organo di mas halto di Aruba y pa e principianan di transparencia y responsabilidad.

Den e carta, Fraccion di MEP ta ripiti firmemente contra HOFA, indicando cu e ley di Reino aki ta limita nos autonomia

democratico y ta pasa e desicion financiero na un nivel di Reino (lesa: Hulanda), cu no lo ta bou di control directo di e pueblo Arubano mas.

Fraccion di MEP ta recorda mas di 10.000 ciudadano a firma di ta contra HOFA, y cu 13 sindicato, cu ta representa miles di persona, a manda nan 'position paper' na Gobierno expresando nan

puntonan contra rijkswet HOFA, y en cambio ta bog ana Gobierno pa negosha un alternativa local.

Fraccion di MEP ta finalisa, expresando di ta spera cu Gobernador, lo percura cu e principianan di transparencia y procesonan encamina door di Gobierno y e trabou y rol di Parlamento ta wordo respeta den nos sistema democratico.



STATEN VAN ARUBA
Fractie Movimiento Electoral di Pueblo

Aan de Voorzitter van de Staten van Aruba
dhr. A.M. Sneek
L.G. Smith Blvd 72
Alhier

Betref: 25-tal Schriftelijke vragen aan Minister President Eman inzake besluitvorming omtrent de benoeming van een Gevolmachtigde Minister van Aruba in Nederland

Oranjestad, 6 november 2025

Geachte Voorzitter,

Ondergetekende verzoekt u de volgende vragen door te geleiden naar Minister President Eman op grond van artikel III.17 van onze Staatsregeling, alsmede artikel 59 van het Reglement van Orde van de Staten.

Ondergetekende zou graag de antwoorden schriftelijk binnen twee (2) weken willen ontvangen.

Hoogachtend,

Fractie MEP
Evelyn Wever-Croes



STATEN VAN ARUBA
Fractie Movimiento Electoral di Pueblo

alternatief. Een kopie van deze vakbondsverklaring ("Posicion di Sindicatonan riba HOFA", gedateerd 27 oktober 2025) is bij deze brief toegevoegd.

In het licht van het voorgaande verzoekt onze fractie u beleef maar dringend om:

1. Ons een kopie van het betreffende ministerraadsbesluit inzake de Rijkswet HOFA te doen toekomen; of
2. Indien een dergelijk besluit niet bestaat, daarvan schriftelijke bevestiging te verstrekken aan de Staten van Aruba.

Wij vertrouwen erop dat u, als vertegenwoordiger van de Koning en als hoeder van de constitutionele waarborgen van het Land Aruba, zult toezien op de naleving van de beginselen van openbaarheid, verantwoordingsplicht en parlementaire informatievoorziening.

Hoogachtend,

mr. Evelyn Wever-Croes
Fractieleidsster
Lid van de Staten van Aruba

Bijlage: Posicion di Sindicatonan riba HOFA (27 oktober 2025)

Parlamentario Shailiny Tromp-Lee:

GOBIERNO TA SORDO MUDO PA CU POSICION FIHA PA SINDICATONAN

AVP-FUTURO FALTANDO RESPET NA 13 SINDICATO

Dia 27 di oktober 2025 13 sindicato a presenta nan posicion pa loke ta trata rijkswet HOFA. Despues di a repasa esaki ami sigur ta sostene e sindicatonan den nan posicion fiha y argumentonan presenta.

Namiopinionssindicatonan ta un di e stakeholdersnan mas importante. Nan ta representa nos clase trahador den sector priva, nan ta representa nos ambtenaarnan, nan ta representa nos comunidad. Nan ta un partner social obligatorio y nan a presenta un posicion bon argumenta y cu un peticion cla na Gobierno y Parlamento.

Durante reunion publico mi a enfatisa cu Gobierno di Aruba ta sordo mudo pa cu nos sindicatonan. Cual sigur ta un insulto na un pilar di nos democracia social! Kiconantabisandoe trahador cu e sindicatonan aki ta representa? Cu nan preocupacion no ta importante? Cu e posicion fiha pa nan representantenan no tin balor?

Pasobra realidad ta cu despues di 2 siman di a ricibi e carta di sindicatonan, ainda gobierno no tabatin e decencia pa yamanan pa un reunion.

Kico nos ta bisa e clase trahador ora cu nos tin un minister Gerlien Croes cu durante un reunion cu algun sindicato, tratando un otro topico, segun nan propio palabra Minister Croes a demostra na nan cu e ta rabia cu e carta cu nan a manda over RW Hofa y ta bisanan cu ta mihor pa nan rectifica.

Ta ki manera esaki ta pa trata sindicatonan, cuestionando nan inteligencia, anto sin tin e decenciapainvitananpaun reunion pa asina mediante un dialogo atende cu nan argumentonan, purba di cambia nan opinion y djey haci e peticion di rectificacion.

Mi ta condena cu Gobierno no ta tuma sindicatonan na serio! Pasobra lagami bisa bon cla: Niun ley cu

ta afecta nos pais asina profundamente mag pasa sin e sosten y e input di nos partnernan social, gremionan comercial y sigur e trayecto no por a keda inicia sin e consensus di Parlamento manera RvS y e plataforma di IPKO ta indica.

Pueblo ta spera cu na tur momento nos ta cla pa defende y representanan. Y pa haci esaki tin ora ta rekeri di hopi curashi. Un curashi cu MEP ta demostrando riba e topico aki, un curashi cu PPA tambe ta demostrando, un curashi cu De Meza di AVP a sa di demostra, un curashi cu sindicatonan a demostra presentando nan posicion fecha 27 di oktober 2025 y un curashi cu mas cu 10000 cuidadano a demostra door di firma contra RW Hofa. Lastimamente gobierno no tin oido y ta sigui cu e proceso como si nada, sordo y mudo.

Mi posicion ta cla: Ami ta contra e Rijkswet HOFA y mi ta condena e proceso encamina pa gobierno



AVP Futuro. Pero na mes momento mi ta carga e speranza cu ainda nos por yega na otro.

Como parlamentario ami sigur ta reacciona positivamente na e yamada di sindicatonan pa gobierno y parlamento uni y sali papia un solo voz, un voz na favor di trato igual, basa riba confiansa y respet pa e derecho di un pueblo. Mi ta di acuerdo cu sindicatonan cu tanten cu institucionnan local ta funciona, y e cifranan ta

demostra cumplimento, no ta existi ningun necesidad huridico ni economico pa introduci e ultimo recurso di un ley di Reino. Ban traha pa yega na un mihor deal pa ARUBA, mediante modernisacion di nos LAft of via por ehempel un onderlinge regeling. Ban scogepa e caminda corecto, ban scogepa Aruba su autonomia y derecho di autodeterminacion. Mas cu tur cos pa traha pa elimina cualkier supervision, pasobra nos mes por!

CAMBIA PERSPECTIVA TOCANTE OBESIDAD: SA BO NUMBER Y MIDI BO PESO



Partido MEP ta felicita Fraccion di MEP den Parlamento

PROFESIONAL Y CU AMOR PA ARUBA

Parlamento tabata e centro di atencion e siman aki na momento cu a debati riba e resultado di negociacion entre Aruba y Hulanda pa loke ta trata supervision financiero.

Un reunion cu fraccion di MEP a solicita, hunto cu fraccion di PPA, mas di 7 luna pasa, pa gobierno duna informacion tocante e negociacionnan cu Hulanda. E reunion a wordo yama despues di 5 luna y na e momento ey di parti di gobierno prome minister Eman a informa cu negociacionnan a termina y ya Hulanda a aproba e leyman nobo. A resulta pues cu sin negocia debidamente, gobierno di AVPFuturo a entrega autonomia financiero di nos pais na Reino Hulandes, sin informa Parlamento y sin consulta cu pueblo.

E falta di transparencia di parti di Gobierno ta wordo condena. Den historia di pais Aruba, nunca antes un gobierno a bay tras di lomba di Parlamento pa atende un tema asina crucial pa democracia di nos pais.

Pues e caracter di e reunion a cambia di "haya informacion tocante negociacion" pa "duna

opinion tocante e resultado di negociacion".

Riba peticion di fraccion di AVP e reunion a wordo posponi cu 2 luna, pa "fraccion di AVP por studia e ley". Sinembargo ora e reunion a wordo yama bek despues di dos luna, supuestamente ainda fraccion di AVP no a logra studia, ni compronde e ley y no tabata tin opinion riba e ley. Hopi ta comenta con debil y mal prepara AVP ta. E forma con ta purba hustifica algo cu nan sa cu a cana e procedura equiboca, a causa critica di nan propio votadornan, principalmente pasobra nan ta sconde bou di saya di MEP constantemente.

Di otro banda, fraccion di MEP a haci un tremendo trabou. Lider di Fraccion a cuminsa cu pone e tono di e reunion, y e tono a sigui bira mas firme cu cada Parlamentario di MEP cu a hiba palabra. Cada un a elabora riba e aspectonan tecnico di e ley y principalmente por a splica e ciudadano cu tabata sigui e reunion kico e consecuencia di e leyman aki ta pa cada ciudadano. E impacto riba e hecho cu no ta gobierno di Aruba lo bay tin e ultimo palabra den finansas mas, e hecho cu costo di bida lo sigui



aumenta, y cu hasta edad di pensioen di 65 aña ta na peliger si Hulanda sigui existi pa aumenta esaki.

Por a nota e diferencia den conocimiento y experiencia, pero principalmente den e pasion y amor pa Aruba, su autonomia y pa e ciudadano di nos pais. Locual AVP a negligencia completamente. Es mas, e fraccion di AVP tabata hopi zwak, bruha y perdi.

Den nomber di tur e votadornan di partido MEP, y e casi 10 mil firmante, nos ta felicita Fraccion di MEP. Den man

di e Parlamentarionan di MEP, nos por confia futuro di nos pais y nos tin speranza cu e ley di Reino aki TAMBE lo wordo bari for di mesa.

Clasificados

SOLODIPUEBLO@GMAIL.COM
CEL. 585 9500

SOLO Di Pueblo

Fraccion di MEP

Mike de Meza na Mike Eman:

PARTIDO AVP A CAMPAÑA CONTRA HOFA; MIKE DE MEZA TA CONTRA LEY DI REINO HOFA



ORANJESTAD - Un di e discursonan den Parlamento cu sigur a hala hopi atencion, tabata di parlamentario di AVP Mike de Meza. Sr. De Meza a expresa su sentimento contra e ley di Reino. El'a recapitula e historia di e lucha pa Aruba ta baas den su mesun cas, te na yega na 1986 caminda cu Aruba a logra su autonomia. "Den e ley nos dilanti, nos ta acepta pa haci cambio den nos autonomia, y e problema cu ami tin ta cu nos ta bai tuma un decision pa bai cambia e autonomia cu nos tin. Pa mi ta algo inacceptable. E unico cu a hiba nos na e autonomia cu nos tin awe, ta e pueblo, y pues ta pueblo ta e unico cu por cambia esaki, por medio di un mandato".

Pesey parlamentario Mike de Meza ta boga pa un referendum. "Si acepta e cambio di ley aki, ta pasa un autoridad pa Consejo di Minister di Reino, y

eyden nos no tin nada di bisa. Con e ora nos por pone autonomia di nos pais den nan man, sin cu a scucha pueblo prome. E cos aki ta mas grandi cu e partidonan politico, esaki ta mas grandi cu nos tur. Aki nos ta papia di un derecho di nos pueblo y ta pueblo mester duna nos un mandato".

Mike de Meza a cuestiona su propio partido cu a bay eleccion contra e rijkswet, y awor diripiente a bolter y ta na fabor, sin scucha pueblo. Mas aun, Mike de Meza a subraya cu tanto MEP como AVP, cu hunto ta representa 85% di e votadornan, tabata CONTRA e ley di reino. El'a cuestiona ta cual mandato AVP y Futuro ta papiando di dje, y awor ta bayendo contra mandato di pueblo. Mester remarca cu momento cu Mike de Meza a hiba palabra, Mike Eman a sali di sala di Parlamento.

EDUARD PIETERS DI PPA: “GOBIERNO MESTER SCUCHA E BOS DI PUEBLO”

Durante e reunion publico den Parlamento di Aruba awe mainta, Eduard Pieters miembro di Parlamento pa fraccion di PPA, a manda un mensahe cla y raspa: e bos di pueblo mester ta respeta, nos autonomia mester ta protega y Aruba no por entrega su derecho di maneho financiero den man di Rijkswet HOFA. Pieters a recorda cu dia 30 di januari, fraccion di PPA y MEP a pidi pa tene un reunion publico pa trata netamente e proceso rond di e Rijkswet y e Bestuurlijk Akkoord y awe nos ta mira e resultado.

Confusion y puntamento di dede

Segun Pieters, e debate ta bira un wega di ken tin culpa: “Den e reunionnan aki ta tira lodo riba otro, ta punta dede ken a firma e Bestuurlijk Akkoord, ken a adopta e proceso di e Rijkswet, etc.” P’esey mes Eduard ta pidi pa transparencia total pa pueblo sa ken a tuma cua decision y basa riba kico.

Un mandato sin vision

Pieters a pone e realidad politico na claridad: Partido AVP a bay campaña sin programa, sin meta, sin vision, pero a logra saca 17.872 voto, cual tabata bon pa 6 stoel mas 3 restzetel. Esaki ta un diferencia sumamente chikito di 312



voto compara cu MEP y a haci AVP e partido mas grandi den 2024. “Si PPA-MEP-AVP hunto ta bisa NO na Rijkswet, nos ta representa mas di 50% di voto di e votantenan y 70% di voto di e pueblo cu a uza nan derecho di voto.

E promesanan sin plan real

E fraccion di PPA a critica e gabinete AVP-FUTURO: e Minister di Finansa a pinta un panorama bunita; mas placa, mas poder di compra, un fondo di inversion, pero te awe no tin plan ni ruta pa cumpli cu esaki. En bes di sinta cu e gremionan social, sindical y comercial pa renegosha un acuerdo

cu realmente ta protega autonomia di Aruba, nan ta opta pa defende e acuerdo aki, cu fraccion di PPA a rechasa.

Algun pregunta crucial sin contesta satisfactorio Pieters a presenta algun pregunta esencial y crucial durante e reunion di awe mainta:

1. Basa riba Artículo 40 di Ley di Reino y punto 11 di e Bestuurlijk Akkoord, si Parlamento ta ratifica HOFA, Hulanda lo refinancia automaticamente nos debenan na interes reduci?
2. Tin otro condicion skirbi of subhetivo mara na e disposicion di Hulanda pa refinanciamiento di

e debenan externo?

3. Basa riba Artículo 40 inciso 3 y punto 12 di e acuerdo: kico ta pasa cu e beneficio di interes reduci si fondo di invershon ainda no ta funcionando?
4. Con lo sa si nos ta cumpli cu e 20 criterionan, si ta uza e palabranan superficial, manera “risico’s in beeld brengen”?
5. Con lo opera e Begrotingskamer independiente sin garantia di placa ni personal getrain?
6. Con un Consejo di Minister di Reino por tin poder riba presupuesto di Aruba sin kita bos y autoridad di Parlamento?
7. Basa riba Artículo 38 di HOFA y punto 5 di e

Acuerdo: con e derecho di aprobacion previo di Consejo di Minister di Reino ta compatibel cu e autoridad soberano di Parlamento di Aruba pa aproba presupuesto nacional?

Na final, Pieters a recorda e palabranan di nos himno nacional: “Cu Dios por guia y conserva nos amor pa Aruba su libertad.” El a conclui cu e debate aki no ta solamente riba number of percentahe di interes, sino riba nos alma nacional. E pueblo di Aruba a papia cla: nos no ta firma nos autonomia den un Rijkswet, cu ta menasa nos derecho democratico.

7 ALIMENTO CU POR MEHORA BO BEIS

E alimentonan cu bo ta come no solamente ta determina con bo ta zit eruit, sino cu tambe ta influi bo pensamiento, emocion y accionnan.

Hopi ta e alimentonan cu por desahusta bo sistema nervioso, treciendo como consecuencia mal beis, cansancio, ansiedad y depresion.

Purba e siguiente alimentonan cu por mehora bo humor. P'esey, si bo a nota cu semper bo ta di mal humor of bo ta sinti un disgusto.

Ta un opcion massaludabel, economico y simpel na luga di usa remedi. Solamente tene na cuenta cu si bo emocionnan no ta stabilisa, ta un bon idea pa bishita un psicologo.

Algun biaha e problemanan cu no tin di haber cu loke nos ta come, sino cu e hendenan cu ta rond di nos y e situacionnan cu nos ta biba aden.

1. Cacao of chuculati puro

E prome di e alimentonan cu ta mehora bo humor, ta cacao. E tin un efecto estimulante di felicidad, debi na e teobromina. E kimico aki ta yuda na:

- Aumenta e nivelnan di serotonina y dopamina den e organismo
- Ta relaha e sistema nervioso
- Ta disminui e estadonan di ansiedad y depresion

Cacao tambe ta contene triptofano, un kimico cu ta fomenta e liberacion di serotonina. Pa tur su beneficiannan, nos ta recomendabo come un pida repi di chuculati puro



of cacao pa dia, pa asina mehora e estadonan di depresion y ansiedad.

Lo unico cu bo mester vigila ta cu e chuculati scogi, ta di un contenido halto di cacao. Idealmente e mester ta riba 65%.

2. Noot of nechí

E di dos di e alimentonan cu ta mehora bo beis ta noot of nechí. E ta aporta na e organismo acidonan graso omega 3, cu esaki no ta produci door di su mes. Ora cu bo curpa no obtene suficiente omega 3, e por drenta den estadonan depresivo. Nootnan tambe ta contene triptofano, di cual ya nos a menciona caba.

- Nos ta recomenda consumi 5 noot pa dia pa asina mantene un beis mas stabil.
- Corda cu bo por añadi nan na bo batidonan, na bo desertnan of simplemente come nan como colacion.

3. Bacoba

Bacoba ta otro di e alimentonan cu ta mehora bo beis y cu bo tin cu inclui den bo dieta diario of por lo menos dos biaha pa siman.

Su beneficio na bo



emocionnan ta debe na e contenido halto di vitamina B6. Esaki ta interveni den e proceso di transformacion di e compuestonan proteicos di serotonina.

Ademas, door cu e ta contene acido folico, vitamina C y fibra vegetal, e ta mehora bo defensanan.

4. Simiya di sesamo

E simiyanan aki ta un di e alimentonan cu ta mehora bo beis pasobra e ta aporta na treonina.

Esaki ta un aminoacido esencial cu e organismo no por produci y sintetisa di su mes di forma natural.

Ora cu tin nivelnan abao di treonina, bo por experiment tristesa cronico.

- Pa obtene e nutriente aki, nos ta recomendabo inclui un

telep di simiya di sesamo den bo saladanan of usa su azeta como parti di bo platonan.

5. Salmao y otro pisca

Otro di e alimentonan cu ta mehora bo beis pasobra nan ta rico den acidonan graso omega 3, ta salmao, tuna of sardin.

Esakinan ta incidi directamente den e

nivelnan halto di salo y di BPA, tambe conoci como bisfenol.

6. Alimentonan rico den fibra

Alimentonan rico den fibra soluble ta yudabo na cambia e estado di animo ora cu esaki ta debe na e alteracionnan den bo nivelnan di suco den sanger.

Si bo ta diabetico, controla bo nivelnan corespondiente. Corda cu e glucose eleva no solamente ta afecta e funcionamiento di bo organonan interno: tambe lo ponebo experimenta diverso emocionnan negativo den cuestion di minuut.

Ora cu bo ta sinti cu esaki ta sosodiendo, realisa un revision di glucose pa determina si esey ta e problema.

eficiencia di e movimiento di algun neurotransmisor, cual deficiencia por provoca estadonan depresivo.

- Ta recomendabel inclui por lo menos un porcion di e piscanan aki na bo dieta semanal.
- Si ta posibel, inclui nan tres biaha pa siman compaña pa berdura.

Sigura cu e pisca cu bo cumpra ta di bon calidad y liber di contaminante. Esaki ta specialmente importante cu salmao, ya cu algun specimen obteni di criaderonan ta alimenta cu kimico cu por afecta bo humor.

Si bo ta opta pa consumi tuna, percura pa eligi e opcionnan den pidanan natural. Aunke e ta hopi economico come tuna di bleki, esaki ta contene

7. Carni cora magro

E ultim di e alimentonan cu ta mehora bo beis ta carni magro. Esakinan ta rico den acido linoleico, un vet natural cu ta yuda combati stress y e acumulacion di vet den curpa.

E carninan aki tambe ta aporta na hero y omega 3 cu ta yuda mehora e salud celebral.

- Ademas, ta hopi recomendabel cu ora di cushina e carninan, haci'e cu e menor cantidad di salo y vet posibel. Asina, nos lo ta consumiendo e producto sin cosnan añadi y nos lo evita otro problemanan asocia. Manera por ehempel hipertension of aumento di peso.

DECHI WERNET TA RECORDA MANUEL DA SILVA



Henny Leo, Manuel da Silva y Dechi Wernet

Manuel da Silva sigur ta un personahe hopi stima den nos comunidad, o solamente e ta un persona conoci como un personalidad di radio, pero tambe den e mundo di Drag.

Dechi Wernet ta un di e personanan aki cu a comparti cu nos algun potret y anecdota cu el a saca cu ne.

Riba e potret 1 nos por mira saca pa Hubert Thiel, tambe den feliz memoria, por mira momento di despedida di Shon Pa Lopez (q.e.p.d.).

Di robez pa drechi por mira Hennny Leo, ex-miembro di

SAMS, Manuel da Silva (dfm) y Andre Wernet, ex-miembro SAMS.

Riba potret nr. dos por mira Manuel da Silva para banda di Hemmy Leo di SAMS y Andre Wernet tambe ex-miembro di SMAS.

Por ultimo riba potret number tres esaki a wordo saca dia 28 di October 2024 na ocasion di e celebracion di 84 aña di Hemmy Leo, ex-miembro di SAMS y alabes e "Fala di dragracing".

Para banda di dje por Mira Mirto Croes, Andre Wernet y Manuel da Silva (Dfm) y sinta, Hemmy Leo.



Clasificados

SOLODIPUEBLO@GMAIL.COM
CEL. 585 9500

SOLO Di Pueblo

FORTALEZA PA FAMILIA

Scirbi pa Pastor Marcel Balootje.

E PLAN DI DIOS PA BO BIDA

E palabra di Dios ta bisa cu e ladron (e diabel) ta bini solamente pa horta, pa mata y pa destrui, Ami a bini pa nan tin bida y pa nan tine na abundancia. Ami ta e bon wardado, e bon wardado ta duna Su bida pa e carnenan.(Juan 10:10-11).

Nos tin cu biba nos bida cu sabiduria, pa nos conoce e proposito di Dios pa nos bida, y pa asina cosnan no ta canando bon , nos comprende cu e cos ey no ta di Dios.

Dios nunca ta hinca bo den un caminda pa bo tropica, of pa destrui bo bida, Dios nunca lo hiba bo na fracaso, pasobra Dios ta stima bo cu un amor eterno, y E ta prolonga misericordia riba bo bida.

Como hoben Dios nunca lo hiba bo na un bida miserabel, un bida di berguensa, un bida immoral, pasobra Dios no tin goso den maldad, pasobra Dios ta un bon Dios, y Dios ta amor.



Asina tur hoben por nota cu asina cu cosnan ta bruha, droga y alcohol, inmoralidad, caymento sera cuminsa frecuente den bo bida, no ta di Dios esey ta, pero e enemigo cu kier destrui bo, pa bo no alcanza e proposito di Dios

pa bo bida.

Dios a crea homber of muher y esey bo ta , creacion di Dios, den e imagen y semehansa di Dios, bo ta Dios su preto di wowo, Dios ta stima bo, Cristo Hesus a entrega Su bida pabo, asina ta cu no acepta nada mediocre den bo bida, pasobra Dios a duna bo bo identidad.

Bo no ta riba e mundu aki pa diabel por haci cu bo manera un yoyo bo ta pasobra ta para scirbi: Pasobra Mi sa e plannan cu Mi tin pa boso, Senyor ta declara,

plannan pa pas y no pa calamidad, pa duna boso un futuro y un speransa, Anto boso lo sclama na Mi y bin haci oracion, na Mi y lo Mi scucha boso.(Jeremias 29:11-12),

E plan di Dios semper tin un bon futuro den dje. e plan di Dios nunca ta hiba hende atras den nan bida, Dios nunca tin plan pa haci hende bira ladron, y hende bira sinberguensa, haci hende perde respet pa nan mes y pa otro hende, asina cu e cosnan ey ta sosode den bo bida, bo mester busca Dios urgente, pasobra E tin bon plan pa

bo bida.

Pasobra nos ta e obra di Su man, crea den Cristo Hesus pa bon obranan, cualnan Dios a prepara di antemano pa nos por cana den nan. (Efesionan 2:10).

Ta tempo pa tur hoben habri nan wowo y comprende e boluntad di Dios, pa nan bida, pasobra e enemigo ta disfrasa na hopi cos pa hiba hobennan den tentacion , asina hiba nan den caminda di perdicion, pesey como mayor nos mester haci tur esfuerzo , pa lanta nos yuinan den e caminda di Senyor.

Esaki ta para scirbi den Santiago 1:13-15:

No laga ningun hende bisa , ora cu e wordo tenta, Mi ta wordo tenta door di Dios.

Pasobra Dios no por wordo tenta door di maldad.

Y E mes no ta tenta ningun hende.

Ma cada un ta wordo tenta ora e wordo atraí y seduci, door di su mes pasion. Anto ora e pasion consebi ,e ta duna lus na pica, y ora e pica keda cumpli e ta produci morto.

Pesey wak bon cu ken bo ta anda, pasobra no laga ningun hende ganja boso: Mal compania ta danja bon custumber (1 Corintionan 15:33).

E plan di Dios pa bo bida, ta bondad.

Clasificados

SOLODIPUEBLO@GMAIL.COM
CEL. 585 9500

SOLO De Pueblo

TUMA ACCION PA PREVENI, PROTEHA Y STOP DENGUE CON NOS POR STOP DENGUE?

Pa por stop transmision di Dengue y otro malesanan transmiti pa sangura ta importante pa cuminsa na prome luga na rais di e problema. Esaki ta ensera reduci of stop e sangura di sigui broei na cantidad grandi. Esaki nos por haci door di:

- Tira afo of warda tur obheto cu por retene awa innesesariamente paden y rond di cas, scol, trabou y alrededor dibo. Por ehempel scoter bou mata, tire, coy hunga pafo, vas cu mata of flor y mas
- Tapa tur awa para cu tin proposito manera e.o pa muha mata of duna bestia tur dia. Por ehempel hemchi bou erco of bari cu awa di yobida y mas
- Ta extra alerta riba awa para cu proposito di bida pa mata of mascota por ehempel vas cu mata of flor, baki awa di bestia, vijver cu mata di lili y mas

Di dos (2) paso ta proteha bo mes pa bo no haña Dengue, esaki bo por haci door di:

- Bisti paña cu manga y pia largo durante oranan di atardi pa anochi
- Uza repelente contra sangura riba cuero cu no ta cubri cu paña
- Den espacio pafo di cas cende un mecha of uza bela contra sangura
- Sera porta y bentana di cas prome cu bira scur of uza screen

- Evita di bishita areanan unda bo ta conciente cu tin hopi sangura

- Spuit paden di cas, camber, oficina y areanan cu bo ta frecuente regularmente cu producto pa mata sangura.

Di tres (3) paso ta proteha otronan rond dibo ora cu bo tin Dengue of tin sintomanan di Dengue. Esaki bo ta haci door di evita di wordo pica pa sangura. E sintomanan ta entre otro:

- Keintura
- Dolor di cabes
- Biramento di stoma y sacramento
- Dolor di weso, joins y musculo
- Dolor di wowo
- Rash riba curpa

E sangura cu ta transmiti Dengue ta haci esaki di un hende pa otro. Pues si bo tin Dengue of sintoma di Dengue y den bo espacio e sangura pica bo y depues pica bo famia, colega of bisiña nan tambe lo haña Dengue. Ora tin un cantidad di hende cerca di otro cu Dengue nos ta papia aki di un cluster.

Pues pa yuda STOP Dengue di sigui plama ta importante pa es cu tin Dengue:

- Keda mas tanto na cas posibel, evita di bay pafo
- Proteha su mes di



picadura usando repelente

- Bisti paña cu man y pia largo y mea
- Mantene porta y bentana di cas cera pa sangura no dreña
- No bay eventonan

social of cerca famia of conocir

- Si por drumi bou mosketero
- Pa mas informacion like nos Facebook page Directie Volksgezondheid

DVG Aruba, Follow nos riba Instagram directie_volksgezondheid_aruba, subi nos website www.dvg.aw, yama nos na 5224200 of mail nos na servicio@dvg.aw

"Señor ta mi wardador, mi'n tin falta di nada Den cunucu di yerba berde e ta ponemi sosega.
E ta hibami na awa trankil, Pa mi bolbe haña forsa". Salmo: 23
Nos ta anuncia fayecimento di:

Manuel de Freitas da Silva

29 july 1954 - 8 november 2025



Mama: †Maria Encarnacao d N da Silva

Tata: †Manuel Freitas da Silva

Tia stima: †Augusta Freitas da Silva

Na nomber di su:

Esposa:
Rosa Leal da Silva

Yiunan:

Shohaira y Gary Barnes da Silva

Jonathan da Silva y Gabriella Ferrá

Yiu di crianza: Santiago Medina

Nietonan:

Katherine Barnes

Tommy Barnes

Rumannan:

†Jose y Marisca da Silva

Mariazinha y Ernesto Marin da Silva

Mario da Silva

Sobrinonan:

Joël y Stephany da Silva

Jomar y Luz-Mary da Silva

Emmanuel Marin

Mariëll y Ilán Lopez da Silva

Michella y Ernand Goeloe Marin

Shanty da Silva

Joffrey da Silva

Tanta: Maria da Conceicao Nascimento da Silva na Madeira

Su padrino y madrina, primo y primanan, ihanan, comer, compernan, tur su amigo- y amiganan di Manuelito's Sportsbar, su coleganan di Telearuba y Powerfm.

Su amigonan di Hebbe Hebbe, Camacuri HD, Boxeo, Drag Racing, MMA, De Trupialen, Club Primavera.

Demas Famia:

Da Silva; Leal; Barnes; Marin; Flanegin; Oduber; de Cuba; Freitas; de Nascimento; Agrela; Lacle; Willems; Lopez; do Nascimento; da Conceicao; Croes; Kelly; De Abreu; Fernandes Orfao;Kanhai; Capello; Serrao-da Silva y demas famia na Aruba; Madeira; Zuid Africa; Bonaire; Curaçao; Hulanda; Inglaterra ; Venezuela; España; U.S.A y Brazil.

Nos ta pidi disculpa den nos tristeza nos por a lubida di mencioná algun famianan of conocir.

Condolencia: dialuna, 10 di november 2025 na Royal Funeral Home di 6:00 pm-9:00 pm

Entiero: diamars, 11 di november 2025 na Royal Funeral Home di 1:00 pm - 4:00 pm, despues lo Sali pa Santana central na Sabana Basora.

SOPI DI LETRANAN

U D D U L C E S H P D C M X M S C P T Y
M A S C A R A E I S U Q B O O K M S H G
R K H R C Y G G H W L F C S N F J P E U
C A L A B A Z A Q F T M I F S F W U C O
E S Q U E L E T O F Y U O P T H I U H W
S T R A G N Q S Q X B E B U R K X I I J
V G R Q F H K W O R G R R T U M B A Z O
Y F R L A D T Y M O G T U K O P X G O E
V X L N N I R L O D N E J M S H O A U N
T Q R A T S U F T X N C A C E Y J T A O
V V J J A F C B P I H K P C O V W O G U
L J W O S R O G U L R U Z P H F D E M R
N T X B M A C H T L L U X H F U Z U A N
Q K X J A Z V Y V A M P I R O I M U G Q
V G S C X D M I E D O Z Q M B K C E I E
A R I Y A C Z I Z Z J L H L C D W C A N

1. BRUJA

2. ESQUELETO

3. DISFRAZ

4. MASCARA

5. MIEDO

6. TUMBA

7. MAGIA

8. MONSTRUO

9. TRUCO

10. FANTASMA

11. HECHIZO

12. DULCES

13. MUERTE

14. CALABAZA

15. VAMPIRO

16. GATO

SUDOKU

	6	3		8		4		
	9				4			7
4				2				
		7	2		3		5	8
	5			4				
		8				2		4
6						7		
		5		3	6			
	3		8	7			2	6

				8			9	2
4					7	6		
	6		3	2				
							5	
	9				4		2	
3	1					7		
2			8		3	1		
				4	1	9	3	
				6				5

				7	8		4	
	7				5			3
1	4		6					
		5		8		2		
	3				4		7	
	6							5
						8	5	
				6	2			
9		6	5		3			



Oracion di dia

TA BON PA OBSERVA HESUS CUI-DADOSAMENTE Y SCUCHA SU BOS

Asina nos por siña for di djE y permiti'E guia nos. Manera Hesus mes a bisa nos:
"Ami ta e caminda, berdad y bida". Ta Hesus so por muestra nos e caminda pa Tata. P'esey ta logico pa nos haci esfuerso pa observ'E y scuch'E. Tin hende cu ta observa Hesus y scuch'E den un intento pa haya algo pa acus'E di dje. Ta parce cu esaki ta loke ta motiva e observacion estrecho den Evangelio di awe tambe. Nos por conclui esaki for di e echo cu ora Hesus haci nan un pregunta tocante sanacion, tur hende ta keda keto. Si nan tabata di berdad interesa pa siña di djE nan lo a ofrece algun opinion di nan mes y nan lo tabata ke siña di djE kico tabata su contesta. Un actitud di arrogancia y falta di confiansa. Nos tin cu haci esey semper den e actitud di humildad y di obediencia. Nos tin di scucha e bos di Dios pero tambe sigui'E. Sigi'E ta un palabra importante pa nos awe, uno cu ta sondea nos consenshi. Nos ta humilia nos mes sinceramente y scucha loke Dios ta bisa nos?
Oracion: Maria, forma mi curason pa mi por ta un oyente humilde y un discipel obediente di Señor.
Amen.

BON NOTICIA

UN IGLESIA CRISTO HESUS A LANTA PA E REINO DI DIOS

Bijbel Exodo 24: 7- 8, den e Evangelio aki, Dios Tata a cera e prome Aliansa cu e pueblo di Israel, pa medio di Moises. Bijbel 2 Samuel 7: 16, den e Evangelio aki, Dios Tata a eligi David, pa bira e prome Rey di Israel. Dios Tata a priminti Rey David cu su sucesornan, cu nan lo ta pa semper encabesa e Reino di Dios. Bijbel Mateo 26: 26 – 28, den e ultima cena Hesus a bisa Su apostelnan: “Boso tur bebe for di e copa di binja aki, esaki ta Mi Sanger, e Sanger cu ta confirma e Aliansa cu Mi ta derama pa hopi hende, pa pordon di pikanan.” Akinan Hesus ta confirma Su Sacrificio y morto na crus, deramando Su Sanger precioso, pa e Aliansa Nobo di Dios Tata, cu ta e Herusalem Nobo di Israel. Bijbel Lucas 1: 32 – 33, ta bisa: “Senyor Dios lo duna Hesus e trono di Su antepasado Rey David y te den eternidad lo E ta Rey di e descendientenan di Jacob y Su Reino lo no tin fin.” Bijbel Mateo 16: 15 – 19: “Hesus a puntra Su apostelnan: Anto boso mes, ta ken boso ta bisa Mi ta? Simon a contesta: Bo ta E Mesias, E Yiu di Dios bibo! Hesus a bis’e: Felis bo ta Simon yiu di Huan, pasobra no ta hende a revela


bo esaki, ma Mi Tata cu ta den Cielo. Mi ta bisa bo: Abo ta Pedro (o sea baranca) y riba es baranca aki, lo Mi lanta Mi Iglesia y forsanan di fierno lo no podera di dj’e. Lo Mi duna bo e yabinan di Reino di Cielo y loke bo prohibi na tera, ta prohibi den Cielo tambe y loke bo permiti na tera, lo ta permiti den Cielo tambe.” Akinan Hesus ta bisa bon cla, Mi Iglesia, osea un solo Iglesia y no Iglesiasnan. E demonionan den fierno lo lanta diferente sectanan na mundo, pa podera y pa kibra e Iglesia di Hesus, pero nan lo no logra. Hesus a duna Simon e nomber Pedro, cu ta significa baranca, cabes visibel di Su Iglesia. Hesus a duna Pedro e yabinan di Reino di Cielo y esaki ta significa, cera y habri e portanan di Reino pa laga e almanan dreña den Reino di Cielo. Hesus a duna e autoridad na Pedro pa dirigi Su Iglesia, di loke ta permiti y di loke ta prohibi. Bijbel Marco 16: 15 – 16, aki Hesus ta bisa Su apostelnan: “Sali pasa na henter mundo y predica e Evangelio pa henter humanidad.” E palabra, sali pasa na henter mundo y predica e Evangelio pa henter humanidad, ta significa, Universal, Hesus Su Iglesia ta Universal. E Iglesia Universal di Hesus, ta e pueblo Nobo di Israel di Dios Tata. Comprende awor, cu tur hendenan, sectanan y e Hudiunan mes, nan mester kere den Cristo-Hesus y nan mester dreña y bautisa den E Iglesia Universal di Hesus, pa nan por dreña den e Reino di Cielo. Hesus

a institui, Su doctrinanan di Gracianan di salvacion pa Su Iglesia: Bautismo Mateo 28: 19 – 20, Confirmacion Echonan di Apostelnan 2: 1 – 4, Confesion Huan 20: 23, Matrimonio Mateo 19: 4 – 6, Apostolado Marco 3: 13 – 19, Enfermonan Hacobo 5: 14 – 15. Awor puntra bo mes, ta di con tin tanto sectanan na mundo y mientras ta un Iglesia Hesus a lanta? Na anja 1521, Martin Luthero un frere, teologo aleman a bai contra di e Iglesia Universal di Cristo-Hesus. El a inventa e teoria di e interpretacion liber di Bijbel. E interpretacion liber aki, a produci 36.000 diferente sectanan y oposicionnan na mundo. Tur e sectanan aki, ta pretende di ta di Hesus. Durante tempo, nan a trece hopi division y hopi di nan a lanta nan mesun religionnan, sectanan y predicando e Bijbel den nan mesun manera y buscando hendenan debil den fe pa sigi nan tras. Martin Luthero ta un Protestant, pasobra el a protesta contra Iglesia y el a trece doctrinanan robes den e Iglesia Universal di Cristo Hesus. Den Bijbel Echonan Apostelnan 20: 28 – 30, carta di San Pablo na su coleganan Apostelnan ta bisa: “Cuida boso y di henter e rebanjo na cual Spirito Santo a pone boso como Obisponan pa warda e Iglesia di Senyor, na cual E’l a gana cu Su propio Sanger. Mi sabi cu despues di mi partida, lo dreña lobonan feros cu lo no tene compasion cu e rebanjonan y cu denter di boso mes, lo

surgi hendenan cu lo sinja doctrinanan robes y nan lo gana discipelnan nan tras.” Ta manera cu Hesus a bisa den Bijbel Mateo 16: 18, cu forsanan di fierno lo purba podera y kibra e Unico Iglesia Universal di Hesus, pero nan lo no logra. Den Bijbel Revelacion 21: 10-14, ta papia, di e ciudad Santo di Herusalem cu tabata bahando di Dios for di Cielo, briyando di Dios Su Gloria. E muraya di e ciudad tabata tin diesdos piedra di fundeshi grandi y riba nan, e diesdos nomber di e diesdos Apostelnan di E Lamchi tabata scirbi. Esaki ta e diesdos nombenan di e Apostelnan scirbi riba e

diesdos Portanan di Reino di Cielo. E Herusalem Nobo di Dios Tata, ta e Aliansa Nobo di Israel pa medio di Cristo Hesus y e Aliansa Nobo aki, ta e Unico Iglesia Universal di Cristo-Hesus pa e Reino di Dios. Nos tambe den Iglesia ta den e Herusalem Nobo di Israel di Dios Tata. Ta manera den Bijbel 2 Samuel 7:16 Dios Tata ta bisa, cu e sucesornan di Rey David di Israel, cu nan lo ta pa semper encabesa e Reino di Dios. Husga pa bo mes, bo ta den e Iglesia corecto pa bo salvacion? Nunca no ta laat pa compronde e berdad y pa comberti na tempo.

Scirbi pa Seferino Tromp



STICHTING VOOR VOLKSHYGIENE VAN
Het Wit Gele Kruis Aruba

Sinds 1959 ten dienste van de Arubaanse gemeenschap
Postbus 488, Oranjestad

Cu inmenso tristeza na nos curazon, directiva, staff y personal ta participa fayecimento di:
Sra. Elsa Croes-Muller

Mama di nos collega sra. Rosana Croes-Ordoñez



Nos ta extende nos mas profundo condolencia na demas famianan y hopi forza den e momentonan dificil aki.

Cu Elsa drumi dushi den brasa di Señor.